



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o davanju saglasnosti gradonačelnici Grada Sarajeva za potpisivanje
Memoranduma o prijateljstvu između
Grada Sarajeva, Bosna i Hercegovina i Opštine Kotor, Crna Gora
(Prijedlog)

Predlagač: Gradonačelnica
Obradivač: Stručna služba za protokolarne
poslove, odnose sa javnošću i međunarodnu
saradnju

Sarajevo, juni 2024. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) i člana 90. stav (1) Statuta Grada Sarajeva („Službene novine Kantona Sarajevo, broj 7/23), a u vezi s članom 140. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), Gradsko vijeće Grada Sarajeva, na __. sjednici održanoj dana __. __. 2024. godine, donijelo je:

(Prijedlog)

**Odluku
o davanju saglasnosti gradonačelnici Grada Sarajeva za potpisivanje
Memoranduma o prijateljstvu između
Grada Sarajeva, Bosna i Hercegovina i Opštine Kotor, Crna Gora**

Član 1.

Ovom odlukom uspostavlja se saradnja između Grada Sarajeva, Bosna i Hercegovina, i Opštine Kotor, Crna Gora.

Član 2.

Saradnja iz člana 1. Odluke uspostavlja se potpisivanjem Memoranduma o prijateljstvu između Grada Sarajeva, Bosna i Hercegovina i Opštine Kotor, Crna Gora, čiji je tekst sastavni dio Odluke.

Član 3.

Gradonačelnica Grada Sarajeva ovlaštena je da u ime Grada Sarajeva potpiše Memorandum po stupanju na snagu ove odluke.

Član 4.

Ova odluka stupa na snagu danom donošenja i bit će objavljena u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo, __. __. 2024. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je članu 31. stav (1) tačka b) i članu 90. stav (1) Statuta Grada Sarajeva („Službene novine Kantona Sarajevo, broj 7/23) kojima je propisano da Gradsko vijeće donosi odluke, druge propise i opće akte i daje njihovo tumačenje, odnosno da Grad Sarajevo može pristupati međunarodnim udruženjima lokalnih zajednica i saradivati s odgovarajućim lokalnim jedinicama drugih država, u skladu sa zakonom, te da odluku o pristupanju udruženjima, odnosno ostvarivanju saradnje donosi Gradsko vijeće, kao i u članu 140. Poslovnika Gradskog vijeća Grada Sarajeva („Službene novine Kantona Sarajevo“, broj 28/09) kojim je propisano da gradonačelnica za ugovore iz oblasti međunarodne saradnje mora pribaviti saglasnost Gradskog vijeća, u skladu s Ustavom, zakonom i Statutom.

RAZLOZI DONOŠENJA

Prilikom susreta gradonačelnice Grada Sarajeva Benjamine Karić i predsjednika Opštine Kotor Vladimira Jokića, u okviru održavanja Foruma kreativnih industrija i medija (CIM FORUM 2024) - „Kreativni gradovi – vizije i izazovi“ u Kotoru, obostrano je iskazana želja za jačanjem međusobne saradnje i za uspostavljanjem dugoročnih prijateljskih odnosa između Grada Sarajeva i Opštine Kotor.

Bogato nasljeđe različitih kultura, tradicija i religija su vrijednosti po kojima su ova dva grada prepoznata, a čemu će uspostavljanjem međusobne saradnje dati značajan doprinos.

Saradnja između Grada Sarajeva i Opštine Kotor će se temeljiti na sprovođenju razmjene i saradnje u oblastima: *ekonomije* – kroz predstavljanje preduzetnika i saradnju malih i srednjih preduzeća, stvaranje ambijenta za zajednička ulaganja, kao i za zajedničko apliciranje sa prekograničnim projektima kod EU fondova; kroz članstvo u Mreži balkanskih gradova B40; *sporta* – kroz saradnju i učešće sportista na sportskim manifestacijama; *kulture* – kroz predstavljanje kulturnog nasljeđa, razmjenu umjetnika i njihovo učešće na kulturnim manifestacijama; *obrazovanja* – kroz razmjenu učenika i poticanje partnerstava između škola; i *turizma* – kroz promociju turističkih potencijala.

Prijateljski odnosi između dvije lokalne uprave dodatno će ojačati međusobnu saradnju, produbiti odnose između Sarajeva i Kotora i njihovih građana, te doprinijeti jačanju saradnje Bosne i Hercegovine i Crne Gore koje imaju tradicionalno dobre i prijateljske veze.

SREDSTAVA ZA PROVOĐENJE ODLUKE

Sredstva za provođenje ove odluke se osiguravaju u Budžetu Grada Sarajeva.

**MEMORANDUM O PRIJATELJSTVU
IZMEĐU
GRADA SARAJEVA, BOSNA I HERCEGOVINA,
I OPŠTINE KOTOR, CRNA GORA**

Juni 2024. godine



**Memorandum o prijateljstvu
između Grada Sarajeva,
Bosna i Hercegovina,
i Opštine Kotor, Crna Gora**



Grad Sarajevo, Bosna i Hercegovina, i Opština Kotor, Crna Gora, u daljnjem tekstu „strane“,

Na osnovu osvjedočenog prijateljstva između Grada Sarajevo, Bosna i Hercegovina, i Opštine Kotor, Crna Gora, koji svoju blisku saradnju njeguju duži niz godina, te u želji da se ista dodatno unaprijedi, gradovi Sarajevo i Kotor izražavaju spremnost da postojeće veze ozvaniče potpisivanjem „Memoranduma o prijateljstvu“.

Gradonačelnica Grada Sarajeva Benjamina Karić, i predsjednik Opštine Kotor Vladimir Jokić, zajednički su utvrdili sljedeće:

Član 1.

Ovim Memorandumom potvrđuju se prijateljske veze između dva grada bogatog kulturno-historijskog naslijeđa, Grada Sarajeva, Bosna i Hercegovina, i Opštine Kotor, Crna Gora.

Član 2.

Strane će se zalagati za jačanje prijateljstva, unaprjeđenje međusobne saradnje i poduzimanje inicijativa za realizaciju projekata u oblastima od interesa za građane Sarajeva i Kotora, među kojima su oblasti:

- kulture – predstavljanjem kulturnog naslijeđa, razmjenom umjetnika i njihovim učešćem na kulturnim manifestacijama,
- obrazovanja – kroz razmjenu učenika i poticanje partnerstava između škola,
- turizma – kroz promociju turističkih potencijala i razmjenu stručnjaka iz oblasti turizma,
- sporta – kroz saradnju i učešće sportista na sportskim manifestacijama,
- zajedničkog apliciranja sa prekograničnim projektima kod EU fondova,
- kroz članstvo u Mreži balkanskih gradova B40.

Član 3.

Za svaku oblast saradnje navedenu u ovom Memorandumu, strane će, ukoliko bude potrebno, zaključiti posebne sporazume kojima će se definirati način i uslovi navedene saradnje.

Član 4.

Ovaj Memorandumu stupa na snagu danom potpisivanja.

Član 5.

Svaka od strana može raskinuti ovaj Memorandum putem pismenog obavještenja druge strane. Raskid Memoranduma neće utjecati na implementaciju programa i projekata koji su započeti u vrijeme dok je Memorandum bio na snazi i koji nisu završeni do vremena njegovog raskida.

Član 6.

Ovaj Memorandum sačinjen je u dva originalna primjerka na bosanskom i crnogorskom jeziku, pri čemu su oba teksta jednako vjerodostojna. Svaka strana potpisnica ovog Memoranduma zadržava po jedan (1) primjerak na svakom od jezika.

Potpisano u _____, dana
02.07.2024. godine

GRAD SARAJEVO
Prof. dr. Benjamina Karić
Gradonačelnica

OPŠTINA KOTOR
Vladimir Jokić
Predsjednik